

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۲

سیاسیات

پارس و برلین معاہدہ لرینک حق الفاسی

مترینک تالہ برانلہ قارشیلانشدینی ویاہ مؤتمرندن بری ، آوروپا سیاستندہ مؤثر یکانہ اولان شرق مسئلہ سنک ، منظومات دولیہ تشکلاتنہ وارنجہیہ قدر اساس اولدیغنی تاریخ سیاسی متعارفہ حالہ کتیرمشدی : دونکی اتفاق مثلثہ بونکونکی ائتلافک اصلی ، دوغروندن دوغرویہ (۹۲) میدان حربنک کونلرندن ظہورایتمشدی . برلین اجتماعندہ تبلر ایدن منافع متبارزہ ، یکدیگریہ دشمن ایکی ہیئت تولید ایتک صورتیہ ، شرق مسئلہ سنہ ابتنا ایدن برغرب مسئلہ سی وجودہ کتیریوردی ! بوصورتلہ ، حکومتتمزمشکل برانزوایہ محکوم اولمشدی : اوزماندن بری آوروپا ایلہ ، تک باشنہ ، قارشنی قارشنیہ قالمش ، وآنحق طرفینک اختلافی اوزرینہ تأمین سیاست ایدہ بیلیمشدی !

مملکتینک ایلک خیاتی سایہ سنندہ آیاستفانوسہ قدر کلوب سعد اللہ پاشایہ مطالبنی تقریر ایدن موسقوفک درت آی دوام ایدہ بیلن موفقیتی ، انکلترونک ضربہ رقابتہ اوغمرادقندن صوکرہ ، بالقانلردہ یاپیلان تعدیلات ، برلین قونفرہ سندن دوغمش برآوروپا لطف کارانی طرزندہ قارشیلانمشدی : فی الحقیقہ مملکتین ایلہ صربیہ وقرہ طاغک استقلالی ، و [بولغارستان] عنوان ظاہر بیلہ روم ایلی بی ایکی یہ تقسیم ایدوب ، چارک تحکمی آلتندہ ، آزاد اولورکن اسیراولان برحکومت غیرملیہ نک تشکلی ، آوروپادہ صوک بالقان محاربہ سنہ قدر دوام ایدہ بیلن وضعیت ملکیت مزلہ یلک نظرده قابل قیاس اولاماز . آیاستفانوس معاہدہ نامہ سی آووچمزدہ سلاتیک شبہ جزیرہ سیلہ برلین مقرراتندن اوج سنہ صوکرہ یونانہ الحاق ایدیلن تسالیایی ، اپیری ، آرنائودلق و بوسنہ - ہر سکی برافدیغنی حالہ ، بولغارستان نامنہ آلدیغنی اراضیہ مملکتی نقطہ اتصالی اولمایان ایکی پارچہ یہ افراغ ایدیوردی : برلین مؤتمریسہ ، موسقوفلرک پک عجی برآللہ چیزدیکی بوجغرافیا مسودہ سنی تصحیح ایدرک بزہ یکپارہ برروم ایلی برانمشدی . . فقط غورچاقوفک آلدیغنی بوخریطہ درسندن ، ترکیہ ، مساحہ اعتباریلہ دکل ، سادہ شکل اعتباریلہ براستفادہ ارضیہ تأمین بدہ بیلدیکی حالہ ، سیاسی ومعنوی هیچ بر فائدہ قازانامامشدی . بوتصحیح اک زیادہ

فرانسز لر و کوستاولوبون

دوقتور کوستاولوبونك قسم ثانی حیاتنده تطبیقی پسیقولوژی مباحثاتنه دائر قلمه آلدینی آلتی، یدی جلد اثر واردرکه بونلر آلمانجهیه نقل ویا ترجمه ایدلسه منقول ویا مترجم اولدقلری اصلاً آکلاشلماز. اسلوب، فرانسز اسلوبندن خیلی اوزاقدیر. دلائل، معادلات منطقیه، اصلاً، زمانمز فرانسه مهره علماسنك دلائلنه، معادلاتنه بکزه من. ایشته بونك ایچوندركه فرانسزلرك اکثریت قطعیه سی وبالخاصه منوران و متفکرینی بوذاتی جادتا کندیلرندن تلقی ایتزلر. بناءً علیه دوقتور کوستاولوبون فرانسه دن زیاده آلمانیاده و ممالک اجنبیه ده، حتی مملکت مزده و ژاپونیاده حائز رتبه شهرتدر.

لوبون، بحث ایتدیکمز آلتی، یدی کتابنده یکی بر فلسفه روحیه نك چرچیوه سنی حضور عرفان بشریته عرض ایدیور. طبیعی بو آثار، بر چرچیزه دن، درت ضلعی، درت زاویه لی برقادرودن عبارتدر. تعاقب ایده جك قرون واعصار بونك ایچینی طولدیره جقدر.

کوستاولوبون تفحصات و تتبعاتده یکی بر یوله کیدیور. آنك ایچوندركه علی الا کثر نتیجه لری قناعت عامه یه مخالف کی کورینور. فرانسزلر ایسه اندام و قیافتده اولدینی کی افکار و اسالیبده ده آلایشه مجلوب اولدقلرندن یکی پسیقولوژی نتایجی بر از درشت، بر از غیر ظریف، و — اونو تمییه لم، مزاجلرینه موافق کلدیکندن ناخوش بولورلر.

دوقتور کوستاولوبون عریض و عمیق تتبعاتدن صکره باشده کندی ملق اولق اوزره لاتین اقوامنی رولنی آرتق صحنه تاریمخده نهایته ایردیرمش برکمیث اجتماعیه اولق اوزره ارا نه دن چکنمیور. یعنی نوعما بر جلادت علمیه وبر شجاعت مدنیه کوسترییور.

فرانسزلر هر درلو انقلاب و تجددك سریعاً، اواصر و قوانین قوتیه حیز حصوله چیه بیله جکنه ایمانکار بر ملتدرلر. بونك ایچوندركه ۱۷۸۹ انقلاب

کیری کی جوشقون بر حرکت آنجق بونلرک مملکتندہ وقوع بولہ بیلدی .
 ایشتہ یو بیوک روح شناس بو انقلاب و یا اختلال عظیمی مؤاخذہ ایدیور .
 قیصہ ، لکن زیادہ سیلہ مقنع دلائل سردیلہ ، اختلالک تئادی ایتدیکی او سنین
 فترتدہ برقاج محرکک قوجہ برملتی نصل فریفته ایتدیکنی ، انقلابک طرازو
 رمزی اولق اوزرہ ارأه ایدیلن اساساتدن هیچ برشیئ آ کلاماقلہ برابر
 اواساساتہ نصل اتباع ایدرک قضابلقی وادیسنندہ رومالیرک بیلہ یوزلرینی
 قیزارتہ حق فجایعہ میدان و محل ویردیکنی آ کلاتیور .

خریبدر ! قبل الحرب دوقتور کوستاو لوبونک اثرلرنده فرانسه حقندہ
 سویلیدیکی سوزلر، هان کافہ بو محاربہ ایله تحقق ایتش اولیور . بیوک برسهولتله
 محرکک ینہ ملتی جوشقون حرکاتہ سوق ایدہ جکلری، ینہ، آلمانلرک فرانسه یه
 مستولی اولہ جقلری بوندن اون ، اون بش سنہ اول ، پک صریح و بارز
 براسلوب ایله تذیر ایدلمشدی . اوزمان ، بومطالعات صائبہ دہ ، فرانسه دہ
 عتہ کتیرمش بر مؤلفک عنودانہ و بدینانہ مطالعاتندن عبارت صاندی ؛ بونلرہ
 کیمسہ اهمیت ویرمدی .

زمان ، اومنقد بی آمان ، دوقتورک هرسوزینی پک آجی ضربہ لرله تأیید
 ایتدی . بناءً علیہ بوذات دورین اون بش سنہ اول مملکتک تاریخ آتیشنی
 یازمش اولدی . بوکا ، دوقتور لوبون نصل موفق اولدی ؛ ملتک سجیہ سنی ،
 مزاجنی پک بی طرفانہ بر صورتدہ تدقیق ایله . ایپ اوجی بولوندقدن ، یاخود
 بر آلتندہ کی طمار کشف ایدلدکن صکرہ آرتق اثرہ دوام ایتک لازمدی .
 آکا اقتفا ایله ملتک سجیہ عمومیہ سنک نہ دن عبارت اولدیغنی آ کلامق آسان
 ایدی . کوستاو لوبون ، بو محاربہ دہ [ما کنزن] و [هیندنبورغ] نصل
 مظفر اولمش ایسہ او یلہ موفق اولمشدر . شوفر ق ایله کہ آلمان جنراللرینک
 مظفریتلری ملتیرینک لهنہ ، فرانسر متتبع روح شناسنک موفقیتی ایسہ وطن
 و ملتک علیهنہ چیقمشدر .

دوقتور کوستاو لوبونک وجودہ کتیردیکی کلیاتی بزرکر مستثنی برماہیت
 واهمیتی حائر بر رہبر تلقی ایتلی یز . فی الواقع بوذاتک هرسوزی بر نص دکلدر .

مجهول اولمديني اوزره فن روح شناسی هنوز جنين حالنده بر فندر. قوپه رنيقوسدن، كه پله ردن، غاليه دن اول عربلرك دور همت واجتهادنده فن هيئت نه ايدى ايسه شمدى ده پسيقولوژى اومر تبه ده در. بر، بيك بشيوز سنه ميلاديه سندن اولكى هيئت علمى، برده هانرى پوانقاره زماننده كى هيئت علمى مقايسه ايدى كز. برنجينك نه قدر ابتدائى، نه قدر نخستين، ديكرينك نه قدر متكامل، نه قدر قطعى اولدينى وهاله آكلاشيلير. بونك كى تشریح و فيزيولوژينك ترقيسى ومعاملات و حرركات بشريه نك بوايكى فقه توفيقاً تنقيدى سايه سنده، يكرمى برنجى، يكرمى ايكنجى عصر لرده البته پسيقولوژى ده بونكونكى هيئت كى تكامله مظهر اوله جقدر. بناءً عليه بعض تقريي مطالعاتندن طولايى دوكتور كوستانو لوبونك پك خوق معاتب اولماسى لازم كلير.

بونكران قدر مؤلفى تركره لايقيه بيلدير مەنى بروظيفه تلقى ايدر ز. اغلب احتمال دوكتور كوستانو لوبونى ده فضله بيلمكه ده آز خطا ايدى جكر. چونكه بيوك بر نفوذ فكر و نظرايله فرانسى پسيقولوژيستي بزم احوال مزى ده - بزدن بحث ايتمه رك - دساتيره ارجاع ايتمش ايدى.

غله دستون، عوام قماره سنده كرسى خطابته چيقمه دن اول لاعلى التعين [پلوتارق] دن درت بش صحيفه اوقومنى معتاد ايدنمش. عاجزانه، بن ده، بر غزته سرمقاله سى يازيلنجه ويا بر مصلحت عامه نك تسويه سنه تشبث ايديلنجه عجا دوكتور كوستانو لوبوندى بر فورمه جق اولسون اوقونمازسه موفقيت حاصل اوله بيليرمى؟ ديه جكم.

فرانسه ده دوكتور كوستانو لوبون كى منقد نامدار اميل فا كه نك آثار اجتماعيه سى ده شايدان قيددر. تأسف اولنور كه فا كه نك مطالعاتى ده فرانسى لرك مظهر تقديرى اوله مامشدر. فرانسى لرك بنمسه مديكى فلسفه يى بز اغتنامده تردد ايتمه يز.

جلال نوری